



পল্লী সঞ্চয় ব্যাংক

প্রধান কার্যালয়

রেড ক্রিসেন্ট বোরাক টাওয়ার (লেভেল: ৭-১০)

৩৭/৩/এ, ইস্কাটন গার্ডেন রোড, ঢাকা-১০০০

www.pallisanchaybank.gov.bd

ব্যবস্থাপনা পরিচালকের সচিবালয়

নং-পসব্য/প্রকা/ব্যব_পরি_দপ্তর/প্রশা-০১/২০২৪-২৫/৩৮

তারিখ: ০৫/১১/২০২৪ খ্রি.

প্রিয় সহকর্মীবৃন্দ,

আসসালামু আলাইকুম। আশা করি আপনারা সবাই সুস্থ ও ভালো আছেন। আমি সালমা বানু, ২১ অক্টোবর ২০২৪ থেকে পল্লী সঞ্চয় ব্যাংকের নতুন ব্যবস্থাপনা পরিচালক হিসেবে দায়িত্ব গ্রহণ করেছি। আমার কর্মজীবন শুরু হয় ১৯৯৮ সালে রূপালী ব্যাংকে সিনিয়র অফিসার হিসেবে। এরপর, বাংলাদেশ কৃষি ব্যাংকের উপ-ব্যবস্থাপনা পরিচালক হিসেবে দায়িত্ব পালন করে, আজ আমি এখানে এসেছি। বর্তমান সরকার আমাকে পল্লী সঞ্চয় ব্যাংকের পরিচালনার গুরুদায়িত্ব অর্পণ করেছে, যা আমার জন্য এক মর্যাদাপূর্ণ ও চ্যালেঞ্জিং পদ।

পল্লী সঞ্চয় ব্যাংককে উন্নয়ন এবং প্রগতির পথে এগিয়ে নিয়ে যেতে সকলের সম্মিলিত সহযোগিতা অত্যন্ত গুরুত্বপূর্ণ। প্রতিষ্ঠানের কার্যক্রমে আধুনিক প্রযুক্তির ব্যবহার, গ্রাহকসেবার মান উন্নয়ন এবং নতুন সুযোগ-সুবিধা সংযোজনের মাধ্যমে ব্যাংকটি গ্রামীণ জনগোষ্ঠীর আর্থিক সেবা প্রাপ্তিকে সহজতর করার লক্ষ্যে কাজ করে যাচ্ছে। সকল স্তরের কর্মীদের নিষ্ঠা, গ্রাহকদের আস্থা এবং ব্যবস্থাপনার যোগ্য নেতৃত্ব এই ব্যাংকের উন্নতির পথে একটি মজবুত ভিত তৈরি করতে সহায়তা করেছে। সকলের সম্মিলিত প্রচেষ্টায় আমরা পল্লী সঞ্চয় ব্যাংককে দেশের আর্থিক খাতে আরো সুদৃঢ় অবস্থানে পৌঁছে দিতে চাই।

আমি ধীরে ধীরে আপনাদের সকল সুবিধা ও অসুবিধাগুলো সম্পর্কে অবগত হচ্ছি, যা আমাকে পল্লী সঞ্চয় ব্যাংকের প্রকৃত অবস্থা বুঝতে সহায়তা করেছে। এই ব্যাংকের অপার সম্ভাবনা রয়েছে, যা আমাদেরকে গ্রামীণ অর্থনীতিতে শক্তিশালী ভূমিকা রাখতে সহায়তা করতে পারে। তবে কিছু সমস্যাও বিদ্যমান, যা সমাধান না করলে এগিয়ে যাওয়া কঠিন হবে। তাই, এই সকল সমস্যা থেকে উত্তরণের জন্য আমাদের সকলকে এক হয়ে কাজ করা প্রয়োজন। পারস্পরিক সহমর্মিতা, ধৈর্য এবং সহনশীলতার মাধ্যমে আমরা এই বিশাল প্রতিষ্ঠানের সমস্যা সমাধানের পথে এগিয়ে যেতে পারি, যা প্রতিষ্ঠানের লক্ষ্য অর্জনে সহায়ক হবে।

আমাদের দীর্ঘ পথচলায় আপনাদের সাথে নিয়ে সম্মিলিতভাবে কাজ করতে চাই। একটি প্রতিষ্ঠানের উন্নয়ন ও সফলতা নির্ভর করে সবার আন্তরিক প্রচেষ্টা ও সহযোগিতার ওপর। আমরা বিশ্বাস করি, সকল কর্মী ও অংশীদারদের সাফল্যের প্রতি দায়বদ্ধতা এবং সম্মিলিত প্রয়াসের মাধ্যমেই আমরা ভবিষ্যতের যেকোনো চ্যালেঞ্জ মোকাবিলা করতে পারব। তাই, আপনাদের সাথে নিয়ে পল্লী সঞ্চয় ব্যাংককে আরও শক্তিশালী ও সেবামূলক প্রতিষ্ঠানে পরিণত করতে আমরা একসাথে কাজ করতে দৃঢ়প্রতিজ্ঞ। আমাদের লক্ষ্য কেবল মুনাফা নয়; আমরা চাই পল্লী সঞ্চয় ব্যাংক দেশের আর্থিক খাতে রোল মডেল হয়ে উঠুক।

পল্লী সঞ্চয় ব্যাংকের উন্নয়নের লক্ষ্যে আপনাদের সকলের আন্তরিক সহযোগিতা কামনা করছি। ব্যাংকের প্রতিটি কর্মী, গ্রাহক ও অংশীদারদের সম্মিলিত প্রচেষ্টা এবং অবদানের মাধ্যমেই আমরা প্রতিষ্ঠানের কাঙ্ক্ষিত লক্ষ্য অর্জন করতে পারব। সেবার মান উন্নয়ন, প্রযুক্তিগত অগ্রগতি, এবং গ্রাহকদের চাহিদা পূরণের জন্য আমরা প্রতিনিয়ত চেষ্টা করে যাচ্ছি। এই প্রচেষ্টায় আপনাদের অংশগ্রহণ ও সহযোগিতা আমাদেরকে একসাথে এগিয়ে নিয়ে যাবে এবং একটি শক্তিশালী, স্থিতিশীল ও সেবামুখী প্রতিষ্ঠান গড়ে তুলতে সহায়তা করবে।


প্রতিষ্ঠান ভালো থাকলে সহকর্মীরা ভালো থাকবে, এবং সকলের কল্যাণ নিশ্চিত করতে আমাদের প্রতিষ্ঠানকে সমৃদ্ধির পথে এগিয়ে নিতে হবে। আমরা যদি একত্রে কাজ করে ব্যাংকটিকে শক্তিশালী ভিত্তির ওপর দাঁড় করাতে পারি, তাহলে সকল কর্মকর্তা-কর্মচারীর সুযোগ-সুবিধা আরও বৃদ্ধি পাবে।

আমাদের একটাই শ্লোগান: “আমাদের প্রাণের ব্যাংক—পল্লী সঞ্চয় ব্যাংক!”

পরিশেষে, আমার প্রত্যাশা, সকলের সম্মিলিত প্রচেষ্টায় আমরা ব্যাংকের যে কোনো চ্যালেঞ্জ মোকাবিলা করে সমৃদ্ধির পথে এগিয়ে যাবো। পল্লী সঞ্চয় ব্যাংককে দেশের ব্যাংকিং খাতের রোল মডেলে রূপ দিতে পারবো—এ আমার দৃঢ় বিশ্বাস।

সবার সুস্বাস্থ্য ও সাফল্য কামনা করছি।

শুভেচ্ছান্তে,


সালমা বানু
ব্যবস্থাপনা পরিচালক
পল্লী সঞ্চয় ব্যাংক